

# Ժողովուրդ

130  
(2610)

15 սեպտեմբերի հինգշաբթի 2022  
տպագրության ԺԱ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

## ՆԻԿՈՒ ՓԱՇԻՆՅԱՆԸ ԽԱԲԵԼ Է ՄԱՍ 91



«Ես վերցրել եմ պատասխանատվություն՝ գնալու ծանր որոշումների՝ հանուն խաղաղության, բայց դրանք չեն նշանակում Հայաստանի Հանրապետության պետական շահերին հակասող որոշումներ: Այդ որոշումներին պիտի գնանք՝ երաշխավորելու Հայաստանի Հանրապետության անվտանգությունը, տեական կայունությունը, խաղաղությունը»,- այս խոսքերը ՀՀ վարչապետ Նիկոլ Փաշինյանն ասել է երեկ Ազգային ժողովում: Այսպիսի հայտարարություններ 2020 թվականի նոյեմբերի իննից հետո բազմիցս ենք լսել, եւ նա ոչ մեկ անգամ հայտարարել էր, թե ցանկացած որոշում արվում է նրա համար, որ սահմաններն ամուր լինեն: Օրինակ՝ 2020 թվականի նոյեմբերի 22-ին Երևանում Արցախի նախագահ Արայիկ Չարությունյանը հանդիպել էր ՀՀ վարչապետ Նիկոլ Փաշինյանին եւ, պաշտոնական հաղորդագրության համաձայն, քննարկել առաջիկա անելիքները: Փաշինյանն իր խոսքում ասել էր. «Պետք է կենտրոնացնենք ուժերն Արցախում բնականոն կյանքը վերականգնելու, մեր հայրենակիցների վերադարձն ապահովելու եւ անհրաժեշտ պայմաններ ստեղծելու համար»: Այս հայտարարությունից երկու տարի անց ոչ միայն Արցախում բնականոն կյանքը չի ավերականգնվել, այլեւ Հայաստանի ապագան է հարցականի տակ. սա նշանակում է, որ նա հերթական անգամ խաբել է ՀՀ հպարտ եւ արժանապատիվ քաղաքացիներին:

Ազգային ժողովի «Քաղաքացիական պայմանագիր» խմբակցության ներսում իրական գզվուտոց է սկսվել մի քանի պատգամավորների՝ հրապարակ նետած առաջարկ-թեզից հետո: «Ժողովուրդ» օրաթերթի տեղեկություններով՝ ՔՊ-ական պատգամավորներ Մարիա Կարապետյանը, Սոնա Ղազարյանը, Լենա Նազարյանն ու Արսեն Թորոսյանը սեպտեմբերի 13-ի առավոտյան մինչեւ Փաշինյանի խորհրդարան գալը՝ խմբակցության նիստի ժամանակ, հայտարարել են, թե կարելի է դիտարկել Ադրբեջանի տարածքային ամբողջականության ճանաչման պահանջը ու վերջ տալ սահմանային չդադարող լարվածությանը, ասել է թե՛ Արցախի Ադրբեջանի մաս ճանաչել ու, այսպես ասած, մեկընդմիջտ փակել թեման: Հայտարարությունը, բարեբախտաբար, միանշանակ չի ընդունվել, բայց, մեր աղբյուրների փոխանցմամբ, վերոնշյալ պատգամավորները չեն ընկրկել ու այսօր էլ շարունակում են համոզել իրենց գործընկեր պատգամավորներին, թե այս պահին միակ լուծումը դա է: «Ես չեմ պատրաստվում մեկնաբանել խմբակցության դռնփակ նիստը», - «Ժողովուրդ» օրաթերթի հետ զրույցում ասաց Սոնա Ղազարյանը՝ ըստ երեւոյթին չհերքելով, որ նման առաջարկով են հանդես եկել: Արսեն Թորոսյանն էլ թեեւ տեսավ մեր հաղորդագրությունը, բայց այդպես էլ չարձագանքեց դրան: Փաստորեն, երբ Հայաստանը փաստացի պատերազմի մեջ է, 18-ամյա հայ զինվորներն ու պայմանագրայինները կյանքի գնով սահման են պահում, ատամներով մաքառում են ամեն մի միլիմետրի համար, երկրի քաղաքական իշխանությունում մարդիկ կան, որ դեմ չեն հակառակորդին տարածքներ նվիրել: Գուցե վախենում են, որ պատերազմը նաեւ իրենց դուռը կարող է թակել, ու փորձում են սիրաշահել խաղաղությունը զենքով պարտադրող մեր վայ հարեւաններին, չեն հասկանում, սակայն, որ դա հարցի լուծում չէ:



Հայաստանում արդեն երրորդ օրն է՝ ծանր մարտեր են ընթանում, ինչի հետեւանքով, ըստ ՀՀ վարչապետ Նիկոլ Փաշինյանի, ունենք 105 զոհ, եւ հակառակ կողմը 10 քառակուսի կիլոմետր օկուպացրել է Հայաստանից: Այս իրավիճակին զուգահեռ՝ այսօր ՀՀ գլխավոր դատախազը հրաժեշտի ցերեկույթ է կազմակերպել: Այսօր՝ ժամը 14:00-ի սահմաններում, Գլխավոր դատախազությունում կոլեգիայի նիստ կլինի, որից հետո Արթուր Դավթյանը հրաժեշտ կտա դատախազությանը եւ գլխավոր դատախազի դերը կհանձնի Աննա Վարդապետյանին: Հիշում եք՝ 2013 թվականի սեպտեմբերի 13-ին, երբ գլխավոր դատախազ Ադվան Հովսեփյանը հրաժեշտ տվեց պաշտոնին, բավականին սրտառու է քայլ կատարեց: Դատախազ Հովսեփյանը համբուրեց դատախազության դուռը, ձեռքերը միացրեց, ինչպես արդթի ժամանակ խոնարհվեց եւ քայլելով հեռացավ դատախազությունից, ինչպես սրբավայրից կբաժանվեր: Հետաքրքիր է Արթուր Դավթյանը կհամբուրի արդյոք դատախազության շենքի դուռը՝ ձեռքերը միացնելով, ինչպես արդթի ժամանակ, եւ կխոնարհվի, թե այլ կերպ կհեռանա:



Վերջին երկու տարիներին Ադրբեջանի ռազմական ծախսերը կտրուկ աճում են, իսկ Հայաստանինը՝ ոչ այդքան: Թշնամի պետությունն ավելացնում է իր ռազմական բյուջեն, իսկ մեր հանրապետությունը՝ պաշտոնյաների պարգևատրման ֆոնդը: «Ժողովուրդ» օրաթերթը փոքրիկ ուսումնասիրության արդյունքում պարզեց, որ Հայաստանի ռազմական ծախսերը 2022-ի բյուջեով աճել են մոտ 11 տոկոսով՝ կազմելով ավելի քան 345,4 միլիարդ դրամ: Նշենք, որ 2021 թվականին բյուջեի ծախսերից պաշտպանությանը հատկացվել էր 312 միլիարդ դրամ, իսկ, ահա, Ադրբեջանի 2022 թ. պետբյուջեով պաշտպանական ոլորտին հատկացվել է մոտ 2,6 մլրդ դոլար: Բացի այդ, օրինակ՝ Ստոկհոլմի միջազգային խաղաղության հարցերով հետազոտական ինստիտուտի տվյալներով՝ 1995-2020թթ. Ադրբեջանի ռազմական ծախսերը մոտ 5 անգամ գերազանցել են Հայաստանի ցուցանիշը: 25 տարվա ընթացքում ՀՀ բյուջեով Պաշտպանության նախարարությանը հատկացվել է շուրջ 7.4 մլրդ դոլար, նույն ժամանակահատվածում Ադրբեջանը ծախսել է շուրջ 32.5 մլրդ դոլար: Միայն 2020թ. Հայաստանը ռազմական կարիքների համար ծախսել է 634 մլն դոլար, Ադրբեջանը՝ 2.2 մլրդ, փոխարենը վարչապետի աշխատակազմի պարգևատրումների ֆոնդն է 2021 թվականի համեմատ աճել 8 մլն դրամով՝ կազմելով 756 մլն դրամ: 2021 թվականին՝ պատերազմից մեկ տարի անց, պարգևատրումները, դրամական խրախուսումները եւ հատուկ վճարները կազմել են 18.8 մլրդ դրամ՝ 2020-ի 15.5 մլրդ դրամի համեմատ: Աճը կազմել է 21.7 տոկոս եւ ավելացել է 3.36 մլրդ դրամով: Էլ չենք խոսում կառավարության անդամների ծառայողական նոր ու թանկարժեք ավտոմեքենաների մասին, որոնք գնվել են պետական միջոցներով: Խոշոր գումարների պակաս չկա նաեւ վարչապետի տիկնոջ՝ Աննա Հակոբյանի նախաձեռնությամբ ստեղծված «Իմ քայլը» բարեգործական հիմնադրամում, որին, ի դեպ, 2018-ին 510.000 դոլար ու 77 մլն 503 հազար դրամ է փոխանցվել, 2019-ին՝ 258 մլն 197 հազար դրամ, 50.200 դոլար ու 10 մլրդ, 2020-ին 10 մլն 311 հազար դրամ ու 1019 դոլար է փոխանցվել անսնուն, 2021-ին՝ 305.000 դրամ, բայց, միեւնույնն է, պարտվում ենք:

ՌԱԶՄԱԿԱՆ ԾԱԽՍԵՐ	
345,4 միլիարդ դրամ	32,5 միլիարդ դոլար

ԱՅՈՒՆԻՔ

ԴԻՐՔԱՅԻՆ ՓՈՓՈԽՈՒԹՅՈՒՆՆԵՐ ԿԱՆ

«Հայաստանի սարածօր բեմամբն ներխուժել է, դա փաստ է, եւ մեր գինված ուժերը աշխատում են այդ ներխուժումը վերացնելու ուղղությամբ»,- սա հասկած է ՀՀ վարչապետ Նիկոլ Փաշինյանի խորհրդարանում երեկ սեղանների 14-ին, օրենսդիր-գործադիր հարցուղաստեղծության ժամանակ ունեցած ելույթից: Ըստ Փաշինյանի՝ Ադրբեջանը դեռևս նախորդ սարվա մայիսի 12-ին է 40 հազար կուկ կմ սարածօր օկուպացրել մեր երկրից: «Իսկ այս դահիին կարող են ասել, որ եւս 10 հազար կուկ կմ են օկուպացրել մեր երկրից»,- ասում է Նիկոլ Փաշինյանը:



որին չեն կարող պատասխանել: Այն, որ ամեն պահի վտանգ կա ու կարող է բռնկում լինել, բոլորս գիտակցում ենք եւ պատրաստ ենք դրան: -Դիրքերի փոփոխության մասին է խոսվում եւ ինչքան էլ Դուք, ձեր թիմակիցները, պետական կառույցները հորդորեն, թե «Հետեւեք պաշտոնական տեղեկատվությանը», քաղաքացին պետք է իմանա, թե ի՞նչ է կատարվում սահմանին, ու դիրքային ի՞նչ փոփոխություններ են կատարվել: -Քաղաքացիները, բոլորն էլ տեղյակ են, որ ինչ-ինչ դիրքային փոփոխություններ են տեղի ունեցել: Այդ մասով կարծում եմ ճիշտ կլինի պաշտպանության նախարարության պաշտոնական հայտարարություններին հետեւեն, քանի որ սահմանում իրականում փոփոխությունները շատ արագ են գրանցվում, ու չեն կարող ասել, թե որ պահին, որ դիրքն ում կողմի վերահսկողության տակ է կամ կլինի: Այդ ամենը ռազմական գործողություններից հետո է որոշվում. հակառակորդը, հնարավոր է, հետ գնա կամ առաջ գա: Եւ մասին եւս չէի ցանկանա մանրամասն խոսել: -Ի՞նչ իրավիճակ է հասարակության մեջ՝ բարոյահոգեբանական տեսանկյունից: -Նրանք, ովքեր անչափահաս երեխաներ ունեն, բնականաբար տեղափոխել ենք ավելի ապահով վայրեր, բայց գյուղացիները, որ կարողանում են ինչ-որ բանով

օգնել, բոլորն իրենց տեղում են: Ամենքն էլ գիտակցում են՝ սա բոլորիս կռիվն է: -Իսկ գյուղերում տարիանումներ կան: -Ոչ, չկան: Հիմնականում անչափահասների ենք տարիանել: -Ձեր իշխանությանը մեղադրում են այն բանի մեջ, որ խաղաղության օրակարգը երեւան բերեցիք, դրա իրագործման ջատագով դարձաք, բայց հիմա տեսնում ենք դրա «արդյունքը»: Հիմա ու՞ր է այդ խաղաղության օրակարգը: -Մենք ամենիս պետք է անենք, որ Հայաստանն արժանապատիվ խաղաղություն ունենան: Շատերը չեն գիտակցում, թե ինչ է պատերազմը: Կհասկանան, երբ կգան սահման եւ կտեսնեն մեր եղբայրների կռիվը: Կհասկանան, որ պատերազմը սարսափելի երեւոյթ է: Այդ պետք է խաղաղության գնանք, բայց դրան պետք է գնալ արժանապատիվ կերպով ու Հայաստանի սուվերենությունը չխախտելով: Մեր քաղաքական ուժն ասում է՝ այդ, չի լինելու միջանցք, կարող է լինել ճանապարհ, որի վերահսկողությունը կիրականացնեն Հայաստանի համապատասխան մարմինները: Հայաստանի սուվերենությունը խախտելով՝ խաղաղություն հաստատելը ոչ թե խաղաղություն, այլ պարտություն է: **Ձրուցեց ԱԵՎԿԿ ՎԱՐՊՈՒՅԱՆԸ**



ԿՐԱԿ՝ ԳՅՈՒՂԵՐԻ ՈՒՂՂՈՒԹՅԱՄԲ



Աժ մարդու իրավունքների պաշտպանության եւ հանրային հարցերի մշտական հանձնաժողովի նախագահ, անկուսակցական Թագուհի Թովմասյանը հայտնում է. «Թշնամին վնասել է Սորավանի եւ հարակից գյուղերի քաղաքացիական մի շարք եկթակառուցվածքներ, մասնավորապես՝ կրակ է բացել Սորավան գյուղի բարձրավիտ լաբերի ուղղությամբ, որի հետեւանքով արդեն 2 օր է, ինչ հոսանքազրկվել է Սիսիանի շրջանի 8 գյուղ: Կրակոցների հետեւանքով վնասվել են հիմնականում ճանապարհի մի քանի հատվածներ, բնակչի մեքենա, կոմբայն, շարքացան, փլուզվել է «Հովվի տան» շենքը: Ինչպես գյուղապետն է նշում բնակիչների մոտ խուճապ չկա: Որոշ բնակիչներ սեփական նախաձեռնությամբ գյուղից տարիանել են կանանց եւ երեխաներին»:

ԼՈՒՐԵՐ

ՈՐՈՇՄԱՆ ԱՆՀՐԱԺԵՆՏՈՒԹՅՈՒՆ ԶԿԱ

«Ադրբեջանի կողմից Հայաստանի ինքնիշխան տարածքի նկատմամբ իրականացված հարձակման առնչությամբ մեր երկրում ռազմական դրություն հայտարարելու անհրաժեշտություն այս պահին չկա»: Երեկվա Ազգային ժողովի նիստում հայտարարեց ՀՀ վարչապետ Նիկոլ Փաշինյանը: «Նախորդ օրը կեղծիքից Հայաստանում ռազմական դրություն հայտարարելու նախագիծը գտնվում է իմ սեղանին: Մենք Անվտանգության խորհրդի եւ այլ ձեւաչափերով պարբերաբար գնահատում ենք իրավիճակը եւ նման որոշում կայացնելու անհրաժեշտությունը: Քանի այդ որոշումը չենք կայացրել, նշանակում է, որ գտնում ենք, որ նման որոշման անհրաժեշտություն չկա, ոչ թե այն պատճառով, որ ագրեսիա չկա, այլ որովհետեւ դա շատ լուրջ որոշում է, որն ունի մի շարք

մեխանիզմներ, որոնք միայն ռազմական բնույթի չեն», - ասաց Փաշինյանը:

ՄԱՐԳԱՍԻՐԱԿԱՆ ՕԳՆՈՒԹՅՈՒՆ

Արտերկրից Հայաստան ուղարկված մարդասիրական օգնության ծավալները բավականին ավելացել են: ArmLur.am-ը տեղեկացավ, որ անցյալ տարվա 7 ամիսներին՝ որպես մարդասիրական օգնություն, Հայաստան է ուղարկվել 26 մլն 218 հազար 700 դոլարի օգնություն: Իսկ այս տարվա հունվար-հուլիս ամիսներին Հայաստան ստացվել է 57 մլն 96 հազար 400 դոլարի չափով մարդասիրական օգնություն: Ի դեպ, տեղեկացնենք, որ Հայաստանին մարդասիրական օգնություն ուղարկածների թվում են Եվրամիության անդամ շատ երկրներ: Գերմանիայից, օրինակ, Հայաստանը ստացել է 1 մլն 616 հազար 500 դոլարի չափով օգնություն: Ֆրանսիայից մարդասիրական օգնություն է ՀՀ եկել 1 մլն 69 հազար 400 դոլարի չափով: Ֆրանսիայից նախորդ տարվա հունվար-հուլիսին Հայաստան էկել է 1 մլն 187 հազար 500 դոլարի մարդասիրական օգնություն: Անցյալ տարվա յոթ ամիսներին Հայաստանը Շվեյցարիայից 738 հազար 400 դոլարի չափով մարդասիրական օգնություն է ստացել: Իսկ, ահա, այս տարվա նույն ժամանակահատվածում Շվեյցարիայից Հայաստան ուղարկվել է 4 մլն 205 հազար 600 դոլարի չափով մարդասիրական օգնություն: ArmLur.am-ին հայտնի դարձավ, որ ԱՊՀ երկրներից Հայաստանը 287 հազար 300 դոլարի չափով մարդասիրական օգնություն է ստացել, հիմնական հատվածը՝ Ռուսաստանից: Խոսքը 259 հազար 100 դոլարի մասին է: Ռուսաստանից անցյալ տարվա յոթ ամիսների ընթացքում որեւէ մարդասիրական օգնություն Հայաստան չի եկել: Իսկ այս տարվա նույն ժամանակահատվածում Ուկրաինայից ՀՀ եկել է 28 հազար 200 դոլարի չափով մարդասիրական օգնություն:

այից մարդասիրական օգնություն է ՀՀ եկել 1 մլն 69 հազար 400 դոլարի չափով: Ֆրանսիայից նախորդ տարվա հունվար-հուլիսին Հայաստան էկել է 1 մլն 187 հազար 500 դոլարի մարդասիրական օգնություն: Անցյալ տարվա յոթ ամիսներին Հայաստանը Շվեյցարիայից 738 հազար 400 դոլարի չափով մարդասիրական օգնություն է ստացել: Իսկ, ահա, այս տարվա նույն ժամանակահատվածում Շվեյցարիայից Հայաստան ուղարկվել է 4 մլն 205 հազար 600 դոլարի չափով մարդասիրական օգնություն: ArmLur.am-ին հայտնի դարձավ, որ ԱՊՀ երկրներից Հայաստանը 287 հազար 300 դոլարի չափով մարդասիրական օգնություն է ստացել, հիմնական հատվածը՝ Ռուսաստանից: Խոսքը 259 հազար 100 դոլարի մասին է: Ռուսաստանից անցյալ տարվա յոթ ամիսների ընթացքում որեւէ մարդասիրական օգնություն Հայաստան չի եկել: Իսկ այս տարվա նույն ժամանակահատվածում Ուկրաինայից ՀՀ եկել է 28 հազար 200 դոլարի չափով մարդասիրական օգնություն:

ՆԱԽԱՊԵՍ ՊԱՅՄԱՆԱՎՈՐՎԵԼ ԵՆ


ArmLur.am-ի տեղեկություններով՝ երեկ՝ 15:00-ին, վարչապետ Նիկոլ Փաշինյանը խորհրդարան պետք է գնար՝ հանդիպելու «Քաղաքացիական պայմանագիր» խմբակցության պատգամավորների հետ: Փաշինյանը երեկ՝ խորհրդարանական նիստերի՝ կառավարություն-Աժ հարցուպատասխանի օրը, այսպես թե այնպես, Աժ գնալու էր, բայց, փաստորեն, մեկ ժամ շուտ է գնում հանդիպելու թիմակիցների հետ: Ըստ երեւոյթին՝ նրանք սահմանին տիրող իրավիճակն են քննարկելու կամ էլ նախապես պայմանավորվել, թե հարցուպատասխանի ժամանակ ով ինչ հարց է տալու վարչապետ Փաշինյանին:

ԻՐԱՎԻՃԱԿ

ԻՐԱՎԱԿԱՆ ՈՐՈՇՈՒՄ

ՏԱՐԱԾՔԱՅԻՆ ԱՄԲՈՂՔԱԿԱՆՈՒԹՅԱՆ ՀԱՐՑ

ԳՈՎԱԶԳ Է ԱՆՈՒՄ՝ ՍԱՀՄԱՆԻ ԳԵՊՔԵՐԻ ՖՈՆԻՆ



Մինչ 18-ամյա պատանիներն ու ժամկետային զինծառայողներն ամեն պահի կյանքի ու մահվան կռիվ են տալիս Հայաստանի սահմանին, «Վիվարո» ընկերության հիմնադիր, տնօրեն Վիգեն Բադալյանը սեփական ընկերությունը գովազդելով է զբաղված: Հազարավոր մարդկանց առջանց խաղատների միջոցով սնանկության հասցրած, շահումով օնլայն խաղերի պատճառով տունտեղ վաճառելու պատճառ դարձած ընկերության տնօրենի դարդուցավն այս պահին, փաստորեն, իր ընկերությունը գովազդել է: Facebook-ի նրա պատին տեղադրված գովազդից, ի դեպ, տեղեկանում ենք, որ հովանավորում է մի փառատոնի, ինչին մասնակցության տոմսի վրա «18+» գրությունը կա (այդ մասին ArmLur.am-ը դեռ մեկ շաբաթ առաջ էր գրել): Մարդու գլխում իսկապես չի տեղավորվում ինչպես, ինչ սրտով է կարողանում հսկայական կառույցի ղեկավարն օրհասական այս օրերին փառատոնի կամ այն գովազդելու մասին մտածել: Երեւանից մի քանի կիլոմետր այն կողմ 18-ամյա տեղաներ են գոհվում, պայմանագրային զինծառայողներ են գերի ընկնում, հակառակորդի մոտ հարյուրավոր դիակներ կան, մարդկանց ճակատագրեր են խեղվում, հայրենագրվում ենք, իսկ գուգաիեռ իրականությունում Մալթայի քաղաքացի, Հայաստանում հարստացած գործարարը «18+» փառատոնն ու իր ընկերությունն է գովազդում:

ՀԵՏԱԶԳՎԵԼ Է ՀԱՐՑԸ

Իշխող ուժի քաղաքացիների թեկնածուի՝ Տիգրան Ավինյանի Երեւանի քաղաքապետարան տեղափոխվելն անորոշ ժամկետով հետաձգվել է: Նշենք, որ Երեւանի ավագանու սեպտեմբերի 13-ի նիստի օրակարգում ներառված էր նախկին փոխարքայապետ Տիգրան Ավինյանին փոխքաղաքապետ նշանակելու հարցը: Սակայն ArmLur.am-ը տեղեկացավ, որ Ավինյանին փոխքաղաքապետ նշանակելու վերաբերյալ հարցն օրակարգից հանվել է՝ սահմանային իրավիճակով պայմանավորված: Երեւանի քաղաքապետարանից ArmLur.am-ը տեղեկացավ, որ այս եւ այլ մի քանի հարցեր անորոշ ժամկետով ավագանու նիստի օրակարգից հանվել են:

Հայաստանը Հավաքական անվտանգության խորհրդի կազմակերպչանքը (ՀԱՊԿ) դիմել է Հավաքական անվտանգության դաշինքի չորրորդ հոդվածի հիման վրա, որն ասում է՝ անդամ երկրներից մեկի նկատմամբ ագրեսիան համարվում է ագրեսիա մյուս երկրների նկատմամբ: Այս մասին Ազգային ժողովում հայտարարեց ՀՀ վարչապետ Նիկոլ Փաշինյանը:

«Մենք ՀԱՊԿ-ից խնդրել ենք աջակցություն՝ այդ թվում եւ ռազմական՝ Հայաստանի տարածքային ամբողջականությունը վերականգնելու եւ Հայաստանի տարածքից ագրեսիան կանխելու ուժերի դուրսբերումն ապահովելու համար», - հայտարարեց Փաշինյանը:

Նա նշեց, որ հայկական կողմը նկատի է ունեցել նաեւ 2021 թվականի մայիսի 12-ին Սոթք-Խոզնավար հատվածում տեղի ունեցած ներխուժումը: «Սա մենք ֆիքսում ենք որպես քաղաքական նպատակ, որ ագրեսորը պետք է ՀՀ տարածքից դուրս գա», - հայտարարեց վարչապետը:

Փաշինյանը գոհացուցիչ փաստ անվանեց սեպտեմբերի 13-ին ՀԱՊԿ նիստի գումարումը՝ կարծիք հայտնելով, որ տեղի է ունեցել անկեղծ ու բաց քննարկում: «Կարծում եմ՝ իրավիճակի գնահատման առումով նվազագույն անհրաժեշտ որոշումներն այս փուլի համար կայացվել են», - նշեց նա:

Բարձրաձայնելով Հայաստանի քաղաքական դիրքորոշումը՝ Փաշինյանն ասաց. «Հայաստանի եւ Ադրբեջանի միջեւ կա սահման, այդ սահմանը ճանաչված է, եւ այդ սահմանի ճանաչումը վավերացված է երկու երկրների կողմից: Եթե Ադրբեջանն ասում է, որ այդպիսի բան չկա, ընդհանուր համատեքստում նրա արտահայտած մի շարք դիրքորոշումներ ընդհանրապես զրկվում են իմաստից եւ որեւէ հիմնավորում չեն ունենում»:

Հայաստանը դեմարկացիայի եւ դեղիմիտացիայի մասին խոսելիս հենվում է իրավական որոշումների վրա: Վարչապետի խոսքով դա մեր պետության որդեգրած տրամաբանական դիրքորոշումն է:

«Եթե խոսում ենք քարտեզների մասին, պետք է հենվենք այն քարտեզների վրա, որոնք իրենց հերթին հիմնված են իրավական որոշումների վրա: Առանց իրավական հիմքի, որեւէ քարտեզ պարզապես գեղանկարչություն է», - հայտարարեց Փաշինյանը:

ՕՐՎԱԿԱՆ ԽՃԱՆԿԱՐ ԴԱՏՐԱՍՏԱԿԱՄ Է ԿԻՍՎԵԼ

Ղազախստանը պատրաստակամություն է հայտնել՝ պետական սահմանի սահմանազատման եւ սահմանագծման իր փորձով կիսվել Հայաստանի եւ Ադրբեջանի հետ: Այս մասին ասել է Ղազախստանի արտաքին գործերի նախարար Մուխտար Թելեուբերդին:

ԼԱԶԻՆԸ ԿԳՈՐԾԻ

Լաչինի միջանցքի նոր ճանապարհը, որը Լեռնային Ղարաբաղը կապում է Հայաստանի հետ, կսկսի գործել 2023 թվականի ապրիլի 1-ից: Այս մասին «ՌԻԱ Նովոստի»-ի հետ զրույցում հայտնել է ՌԴ ԱԳՆ-ի ԱՊՀ երկրների չորրորդ դեպարտամենտի տնօրեն Դենիս Գոնչարը:

«Վերջին ամսվա ընթացքում ձեռնարկված ջանքերի գլխավոր արդյունքն այն



Նա նշեց, որ ուսումնասիրություններ են արվել, թե Հայաստանի եւ Ադրբեջանի միջեւ սահմանների կամ քարտեզների ինչ իրավական հիմքեր կան: «Մենք առաջարկել ենք առաջարկում ենք, որ հենց այս սկզբունքով իրականացվի Հայաստանի եւ Ադրբեջանի միջեւ դեմարկացիա եւ դեղիմիտացիա: Սա նշանակում է, որ խորհրդային Հայաստանն ու խորհրդային Ադրբեջանը բաժանող սահմանները, որոնք, իմիջիայլոց, 1991 թվականին ԱՊՀ ձեւավորման Ալմա-Աթայի հռչակագրով, հետագայում նաեւ համապատասխան համաձայնագրով վավերացվել են խորհրդարանների կողմից,

արդեն ճանաչվել են: Պնդումը, թե Հայաստանի եւ Ադրբեջանի միջեւ սահման չկա, ճիշտ չէ: Այդ սահմանը կա եւ այդ սահմանն այսօր խախտված է Ադրբեջանի կողմից, որը երկփուլանի ագրեսիա է իրականացրել. առաջին փուլը՝ 2021 թվականի մայիսի 12-ին, երկրորդը՝ հիմա», - ասաց Փաշինյանը, նշելով, որ Ադրբեջանը կոնկրետ ագրեսիա է իրականացրել եւ իրականացնում, եւ Հայաստանը բոլոր դիվանագիտական, քաղաքական, ռազմաքաղաքական մեթոդները պետք է օգտագործի՝ իր տարածքային ամբողջականությունը, սուվերենությունը պաշտպանելու համար:

Եր, որ ընդհանուր փոխըմբռնում է եղել, կապված նրա հետ, որ Լաչինի միջանցքով նոր ճանապարհը կսկսի գործել 2023 թվականի ապրիլի 1-ից: Միեւնույն ժամանակ օգոստոսի 30-ից երթեւեկությունն իրականացվում է ժամանակավոր ճանապարհով՝ շրջանցելով Լաչին քաղաքն ու այլ բնակավայրերը, որոնք գտնվում են միջանցքի հին մայրուղու անվտանգության գոտու սահմաններում», - ասել է դիվանագետը:

ՕՐԵՆՍԳՐԱԿԱՆ ՆԱԽԱԶԵՌՆՈՒԹՅՈՒՆ

Կալիֆորնիայի Նահանգային խորհրդի անդամ Էդրին Նազարյանի ջանքերով ընդունվել է ապրիլի 24-ը՝ որպես Հայոց ցեղասպանության հիշատակի օր դարձնելու օրենսդրական նախաձեռնությունը: Օրենքը ենթադրում է, որ այսուհետ ամեն տարի ապրիլի 24-ին փակ են լինելու Կա-

լիֆորնիայի համայնքային քուլեքներն ու հանրային դպրոցները, իսկ պետական աշխատողները կունենան վճարվող հանգստի հնարավորություն:

ՀԱԿԱՄԱՐՏՈՒԹՅԱՆ ՍՐԱՅՈՒՄ

Թուրքիայի նախագահ Ռեջեփ Թայիփ Էրդողանը մտադիր է Վլադիմիր Պուտինի հետ քննարկել Հայաստանի եւ Ադրբեջանի միջեւ հակամարտության սրացումը: Ինչպես հարդորում է «SUSU»-ը՝ այս մասին հայտնում է Reuters-ը՝ հղում անելով թուրք բարձրաստիճան պաշտոնյային:

Նա մանրամասնել է, որ բանակցությունները կանցկացվեն Սամարղանդում՝ Շանհայի համագործակցության կազմակերպության գազաթաժողովի ընթացքում, որը նախատեսված է սեպտեմբերի 15-16-ը:

ԻՐԱՎԱԿԱՆ

4 ԿԻՐԱՎՈՐ

2570 ԱՆՁԻՆՔ ՏԵՂԱՐԱՆՎԵԼ ԵՆ ՏՆԵՐԻՑ

Անընդմեջ շարունակվում են Մարզու իրավունքների դաշտային փաստաբանական աշխատանքները Սյունիքի, Վայոց Ձորի եւ Գեղարքունիքի մարզերի աղքատացրած հարյուրավոր համայնքներում:

Աղքատացրած զինված ուժերը թիրախավորում են քաղաքացիական բնակչությանը: Ըստ ՄԻՊ հավաքագրած տվյալների՝ քաղաքացիական վիրավորների թիվն էր եղել 16:00-ի դրությամբ, 4-ն է նրանցից երկուսն Պաշտպանի ներկայացուցիչներն այցելել են հիվանդանոցում:

Ըստ պաշտպանի գրասենյակի հավաքագրած տվյալների՝ աղքատացրած հարյուրավոր միջ այս պահից առկա 2570 անձ տեղահանվել են իրենց տներից՝ Գեղարքունիքի մարզի Սոթք, Նորաբակ, Կուբ, Ազատ, Այրբ, Տրետուք, Կուտակավան, Սյունիքի մարզի Ծակատեն, Շիկահող, Սրաշեն, Ներքին Յանդ, Աղիտու, Ակներ, Վերին Շեն համայնքներից: Տեղահանվածների գերակշիռ մեծամասնությունը կանայք են, երեխաներ, տարեցներ, այդ թվում՝ հաշմանդամություն ունեցող անձինք:

Նշված համայնքների երեխաները, բացի տեղահանման ու հոգեբանական դժվար իրավիճակից, գրկված են նաև կրթության իրավունքի իրացման հնարավորությունից:

Ինչպես տեղեկացրել էինք նախորդիվ, Պաշտպանի աշխատակազմի կողմից արձանագրվել էին շտապօգնության տրանսպորտային միջոցների թիրախավորման դեպքեր:

Մեծաթիվ են ապացույցները նաև քաղաքացիական ենթակառուցվածքների անձանց տների, հաղորդակցության, էլեկտրականության ու քաղաքացիական այլ ենթակառուցվածքներ հրետակոծելու, գնդակոծելու եւ խափանելու վերաբերյալ: Հատկապես շատ են ավերածությունները Սոթք, Կուբ, Քարաշեն, Վերիշեն համայնքներում, համանման փաստեր են հավաքագրվել նաև Գեղամասար, Աղիտու, Սրաշեն ու Նորավան համայնքներում:

Բազմաթիվ են շարունակաբար հարձակման ենթարկվող անձանց կյանքական վնասները, մասնավորապես՝ շարժական



ու այլ գույքի եւ ընտանի կենդանիների տեսքով:

Աղքատացրած հրետակոծության հետևանքով հրդեհներ են բռնկվել մի շարք համայնքներում, հատկապես՝ Սոթքում եւ Ջերմուկ քաղաքի անտառային հատվածներում՝ ներառելով ավելի քան 9 հա տարածք:

Փրկարարների աշխատանքն առավելապես բարդացնում է փաստը, որ հրդեհի որոշ օջախներ գտնվում են աղքատացրած հրետակոծության գոտում, իսկ որոշ դեպքերում՝ այդ հատվածներն ակտիվ հրետակոծվում են:

Աղքատացրած մեդիա տիրույթում արձանագրված հայատյացության մակարդակը, այդ թվում՝ պետական պաշտոնյաների կողմից, շատ վտանգավոր է, եւ ըստ նախորդիվ փորձի՝ աղքատացրած զինված ուժերի կողմից պատերազմական հանցագործությունների կատարման մեծ ռիսկ է գնեցրացնում: Պաշտպանի աշխատակազմում ինտենսիվորեն ստացվող ու վերլուծվող տվյալներն ու ապացույցները՝ միջազգային իրավական հիմնավորումներով գրավոր կերպով ուղարկվում են միջազգային կազմակերպություններին եւ այլ դերակատարներին:

ԼՈՒՐԵՐ

ԼՄԵՑ ԵՎ ՄԱՐԱՑԱՎ

Երեկ առավոտյան մահացել է 44-օրյա պատերազմի հերոս Մանվել Գետրոյանի հայրը՝ Ռուդիկ Գետրոյանը: Փաստաբան Գոռ Գետրոյանը հայտնեց, որ երեկ պատերազմի մասին լսելուց հետո, ոչ հաց է կերել, ոչ արձագանքել: «Առավոտյան չարթնացավ, գնաց հասավ հերոս որդուն՝ Մանվելին»:

ԸՆԱՐ ՄԱՆՈՒԿՅԱՆ

ՄԱՐԱՑԵԼ Է ՀԻՎԱՆԳԱՆՈՑՈՒՄ

Սեպտեմբերի 9-ին՝ ժամը 20:30-ի սահմաններում, «Հոնդա» մակնիշի մեքենայի վարորդը Երեւան-Արմավիր ճանապարհի 30-րդ կմ-ին վրաերթի էր ենթարկել 60-ամյա տղամարդու, որը մարմնական վնասվածքներով տեղափոխվել էր հիվանդանոց: Ոստիկանությունից հայտնում են, որ սեպտեմբերի 13-ին 60-ամյա Սանասար Միքայելյանը հիվանդանոցում մահացել է:

ԳԼՈՐՎԵԼ Է ԳԵՊԻ ԶՈՐԸ

Սեպտեմբերի 13-ին՝ ժամը 10:00-ի սահմաններում, «Միցուրիշի» մակնիշի մեքենան Երեւան-Մեղրի ճանապարհի 94-րդ կմ-ին դուրս է եկել երթուղուց և գտնուց եւ գլորվելով հայտնվել ձորակում: Ոստիկանությունից հայտնում են, որ վարորդը եւ երեք ուղեւորները մարմնական վնասվածքներով տեղափոխվել են հիվանդանոց, որտեղ վարորդը՝ 28-ամյա Մ. Ասատրյանը, մահացել է:

ԳՈՒՐՍ Է ԵԿԵԼ ՃԱՆԱՊԱՐՀԻՑ

Սեպտեմբերի 13-ին՝ ժամը 17:20-ի սահմաններում, Վայոց ձորի մարզի Աղավնաձոր գյուղի վարչական տարածքում դաշտամիջյան ճանապարհին, «ՎԱԶ-2106» մակնիշի ավտոմեքենան դուրս է եկել երթուղուց և գլորվել ձորը: Ոստիկանությունից հայտնում են, որ վարորդը՝ 64-ամյա Զորիկ Բաբայանը, մահացել է:

2019 ԹՎԱԿԱՆԻ ԳԵՊԸ

Սեպտեմբերի 10-ին ոստիկանության Կոտայքի բաժնի քրեական հետախուզության բաժանմունքում առանձնապես ծանր հանցագործության մեղադրանքով հետախուզվողի գտնվելու վայրի վերաբերյալ օպերատիվ տեղեկություններ ստացվեցին, որոնք Կոտայքի բաժնի քրեական հետախուզվողներին իրացրին՝ համագործակցելով մարզային վարչության եւ ճանապարհային ոստիկանության 2-րդ սպայական գումարտակի ծառայողների հետ: Արդյունքում Սեւանի թերակղզում հայտնաբերեցին եւ ձերբակալեցին 2019 թվականի հուլիսից սպանության եւ ապօրինի զենք ձեռք բերելու, պահելու եւ օգտագործելու մեղադրանքով հետախուզվող 37-ամյա տղամարդուն: Հիշեցնենք, որ 2019 թվականի հուլիսի 15-ին Արմավան քաղաքի 7-րդ դպրոցի խաղահրապարակում հայտնաբերվել էր նույն քաղաքի բնակիչ Վահե Գետրոյանի դին՝ հրազենային եւ այլ վնասվածքներով:

ԴԱՏԱՆԱԶՈՒԹՅՈՒՆ

ԴԱՎԹՅԱՆԸ ՄԵՐԺԵԼ Է ԱԶԱՏՄԱՆ ԴԻՄՈՒՄԸ

ArmLur.am-ի ժողովրդային համայնքի շեղակցությունների համաձայն՝ ՀՀ գլխավոր դատախազ Արթուր Գավթյանը մեծել է ՀՀ զինվորական դատախազ Վահե Հարությունյանի ազատման դիմումը ստորագրել: Մեզ հասած ժողովրդային համայնքի դիմումը մեծելը դայմանավորված է եղել երկրում դատախազական իրավիճակով, մինչև հասկանանք, թե երբ ամեն ինչ կավարսվի:

«Ժողովուրդ» օրաթերթը գրել էր, որ ՀՀ զինվորական դատախազն այս օրերին պատրաստում է իր ազատման դիմումը: Ավելին՝ մեր աղբյուրները փոխանցում են, որ քաղաքացիական իշխանությունն այս պաշտոնի համար արդեն թեկնածու ունի, ում մասին առաջիկայում կխոսվի: Վերջինս ՀՀ քննչական կոմիտեի նախկին նախագահ Հայկ Գրիգորյանն է:

Հինգրոսից, որ հուլիսի 5-ին «Ժողովուրդ» օրաթերթը գրել էր, որ ՀՀ գլխավոր դատախազությունում արշալույսները արդեն խաղաղ չեն: Չնայած Աննա Վարդապետյանը ՀՀ գլխավոր դատախազի աթոռը կբաղեցնի սեպտեմբերի 15-ից, սակայն մինչև նրա գալը դատախազությունում արդեն որոշ պաշտոնյաներ տրամադրված են հեռանալ:

Մասնավորապես, մեզ հասած տեղեկությունների համաձայն՝ մինչև Աննա Վարդապետյանի գալը պաշտոնից ազատման դիմումներ կգրեն ՀՀ գլխավոր դատախազի տեղակալներ, արդարադատության երրորդ դասի պետական խորհրդական Հայկ Ասլանյանը, ՀՀ զինվորական դատախազ Վահե Հարությունյանը: Ասել է թե՛ նրանք չեն սպասի, որ իրենց ազատեն, այլ իրենք առաջ կընկնեն եւ ազատման դիմում կգրեն:

Գլխավոր դատախազի տեղակալներից Արմեն Աֆանդյանի հարցը մի քիչ այլ է. դատախազությունում վստահ են, որ Աննա Վարդապետյանը նրա հետ չի աշխատի, ուստի, այսպես, թե այնպես, նա եւս կազատվի պաշտոնից: Միակ տեղակալը, որը դատախազությունը չի լքի, Գեորգ Բաղդասարյանն է:

Բանն այն է, որ նա թե՛ դատախազ Դավթյանի ընկերն է, բայց նաեւ «Մարտի 1-ի» գործով մեղադրող դատախազներից մեկն է եւ ծառայություն է մատուցել քաղաքական իշխանությանը: ԸՆԱՐ ՄԱՆՈՒԿՅԱՆ

● Ըստ ոստիկանության տվյալների՝ սեպտեմբերի 13-ից 14-ը Հայաստանի Հանրապետությունում բացահայտել են հանցագործության 23 դեպք:

ՀԱՍԱՐԱԿՈՒԹՅՈՒՆ

ՍԱՐՁ

ԱՆՋԱՏԵԼ ԵՆ ԼՈՒՅՍԵՐԸ

Տավուշի մարզի սահմանագոտում համեմատաբար խաղաղ է, սակայն, պայմանավորված հայ-ադրբեջանական սահմանի այլ հատվածներում տիրող լարված իրավիճակով, Ելնելով անվտանգության նկատառումներով՝ սեպտեմբերի 13-ին Նոյեմբերյան խոշորացված համայնքի սահմանամերձ Նոյեմբերյան քաղաքի Կողբ և Բերդավան գյուղերի հանրակրթական դպրոցների 1-5 դասարանները դատ չեն արել, իսկ 6-12-րդ դասարանների դասերը տեղի են 2-3 ժամ: Սեպտեմբերի 13-ի երեկոյան չեն միացրել սահմանամերձ Բերդավան գյուղի փողոցային լուսավորության համակարգը, որպեսզի գյուղը տեսանելի չլինի Բերդավանի դիմաց գտնվող ադրբեջանական հեռակետերից:

ԱՆՄԽԻԹԱՐ ՓՈՂՈՑՆԵՐ

Մի քանի օր առաջ տուրիստական Դիլիջան քաղաքի կենտրոնում մեծ թվով սլավոնական արտաքինով զբոսաշրջիկներ կային, որոնց հանդիպել է «Ժողովուրդ» օրաթերթի լրագրողը: Նրանք հիանում էին Դիլիջանի շքեղ բնությամբ, նաեւ գարնանը արտահայտում քաղաքի կենտրոնում հայտնի «Միմինո» արձանախմբի հարեանույթյամբ մեծ ջրափոսերի և թափառող շների առատությունից: Այդ արձանախմբի հետեւի մասով ձգվող փողոցում ասֆալտի թարմ շերտ է փռված, սակայն բազում փոսերի առկայությունը վկայում է, որ Դիլիջանի ԶԳ-ական համայնքապետ Դավիթ Սարգսյանի ղեկավարած համայնքապետարանը ձախողել է Դիլիջանի կենտրոնական փողոցների վերանորոգման գործը: Դիլիջան քաղաքի ամենակենտրոնում Աղստե գետի հունում, անտառ է աճել. համայնքապետարանը միջոցներ չի ձեռնարկում այն մաքրելու համար: Վարարումներից հետո գետը, բախվելով աճած բարձրացած ծառերին, սղվում է դեպի հունը եզրափակող, գետի աջ ափը պաշտպանող պատը՝ քանդելով դրա հիմքը: Հարց է ծագում համայնքի ԶԳ-ական ղեկավարն այդ հողերի վաճառքից գոյացած գումարներից ինչո՞ւ միջոցներ չի հատկացնում գետի հունը մաքրելու, այնտեղ աճած ծառերը կտրելու աշխատանքները ֆինանսավորելու համար:

ԽԻՍՏ ԱՆՀԱՐՄԱՐԱՎԵՏ

Վարչապետ Նիկոլ Փաշինյանը ցանկություն է հայտնել, որ հայ գիտնականները մասնակցեն Մարս մոլորակի բնակեցման քաղաքակրթական մեգամախազին: Նիկոլ Փաշինյանը մինչև հեռավոր Մարսը մոլորակը բնակեցնելու անիրատեսական խնդրով զբաղվելը, թող լուծի Երեանից իր հայրենի Իջեան, նաեւ՝ Դիլիջան մեկնող հասարակական տրանսպորտի արդիականացման հարցը, քանզի բարոյապես և ֆիզիկապես մաշված «Գագելները» վթարների դեպքում շատ վտանգավոր են ուղեորների կյանքի համար: Բացի դրանից, այդ միկրոավտոբուսները ուղեորների համար խիստ անհարմարավետ են: **ՈՍՎԱՆ ՍԱՐԳՅԱՆ Տավուշ**

ԶԻՆՎԱԾ ԱԳՐԵՍԻԱ

ՄԻՋԱԶԳԱՅԻՆ ՀԱՆՐՈՒԹՅԱՆ ԱՐՁԱԳԱՆՔ

Իսպիայի խորհրդարանի վերին և ստորին դպաստների մի խումբ ներկայացուցիչներ հայտարարություն են արածել հայ-ադրբեջանական սահմանին բռնկված հակամարտության վերաբերյալ՝ կոչ անելով դադարեցնել զինված ագրեսիան՝ հստակ մասնագետով, որ այն տեղի է ունենում Հայաստանի Հանրապետության ինքնիշխան արածում: Այս մասին հաղորդում է Իսպիայում ՀՀ դեսպանությունը՝ վկայակոչելով իսպացի խորհրդարանականների համատեղ հայտարարությունը:

Իտալացի խորհրդարանականները հույս են հայտնել, որ միջազգային հանրությունը բացահայտորեն կդատապարտի ագրեսոր կողմին:

«Հայաստանի Հանրապետության ինքնիշխան տարածքում բռնկված ողբերգական հակամարտության լույսի ներքո է վշտացած գոհերի ընտանիքներով, որոնց թիվը, պաշտոնական հաղորդագրությունների համաձայն, ցավք, շարունակում է աճել, հույս ենք հայտնում, որ զինված ագրեսիան անմիջապես կդադարի, եւ որ միջազգային հանրությունը բացահայտորեն կդատապարտի ագրեսորին և ցանկացած գործողություն, որը խախտում է Միավորված ազգերի կազմակերպության կանոնադրությունը», - հայտարարել են Իտալիայի խորհրդարանականները:

Իտալիայում Հայաստանի Հանրապետության դեսպանությունը շնորհակալություն է հայտնել հայտարարությունը ստորագրած բոլոր խորհրդարանականներին, մասնավորապես՝ Պաոլա Բինետտին, Ստեֆանո Բորգեզիին, Ումբերտո Բուրատտին, Լաուրա Կավալոյին, Ջուլիո Չեստետեյին, Վիտո Կոմենչինին, Ջուզեպպե Դոնինային, Պաոլո Ֆորմենտինին, Նիկոլո Ինֆինային, Ելենա Մուրելլին, Տուլիո Պատասինին, Կատիա Պոլիտորին, Ալբերտո Ռիբոլլային և Ջովաննի Տոմբուատոյին՝ դավանած բարձր արժեքների և մշտապես արդարության կողքին կանգնելու համար:

Սեանսին գրառումներ են արել նաեւ իտալական պառլամենտի վերին և ստոր-



րին պալատի մի շարք ներկայացուցիչներ: Ըստ Իտալիայում ՀՀ դեսպանության՝ Իտալիայի պատգամավորների պալատի անդամ Մասսիմիլիանո Կապիտանին դատապարտել է հարձակումը Հայաստանի վրա՝ հույս հայտնելով, որ հրադադարի մասին հայտարարությունը կհարգվի, եւ հայ ժողովուրդը կկարողանա վերջապես խաղաղ ապրել՝ առանց շարունակական և չարդարացված ագրեսիայի ենթարկվելու: «Պետք է վերջ դնել պատերազմին», - շեշտել է իտալացի պատգամավորը:

Իտալիայի Սենատի անդամ Ալբերտո Աիրոլան խիստ մտահոգություն է հայտնել սեպտեմբերի 13-ին Հայաստանի և Ադրբեջանի միջև տեղի ունեցած զինված բախումների առնչությամբ՝ նշելով, որ դա զինադադարի լուրջ խախտում է ադրբեջանական ուժերի ագրեսիայի հետեանքով, որը տասնյակ զոհերի պատճառ է դարձել հայկական կողմից:

«Բռնության գործողությունները պետք է դատապարտվեն: Եսկալացիա, որը սպառնում է նորից պայթեցնել հակամարտությունը, որը ներկայիս միջազգային լարվածության շրջանակներում կարող է նոր և շատ վտանգավոր հակամարտության ճակատ բացել Ռուսաստանի և Արեւմուտքի միջև՝ ամբողջությամբ բխում է էրդոզանի, Թուրքիայի շահերից, որն

արդեն երկար ժամանակ թեժացում է կրակը՝ հետապնդելով Նեոսմանյան հեգեմոնիայի իր ծրագրերը: Հուսով եմ, որ միջազգային հանրությունը կմոբիլիզացվի՝ Երեանի և Բաքվի միջև խաղաղությունը վերականգնելու և պահպանելու համար», - Ֆեյսբուքի իր էջում գրել է Աիրոլան:

Իտալիայի Սենատի անդամ, Սենատի արտաքին հարաբերությունների հանձնաժողովում «Առաջ, Իտալիա» կուսակցության խմբի ղեկավար Էնրիկո Ամին Նշել է, որ սեպտեմբերի 13-ի գիշերը Ադրբեջանի կողմից ձեռնարկված հարձակման հետեանքով 49 հայ զինվորների զոհվելու փաստը մեծ տագնապ է ստեղծել Եվրոպայում և ամբողջ աշխարհում: Նրա խոսքով՝ միջազգային հանրությունը պետք է իր ողջ վրդովմունքն արտահայտի՝ բացարձակապես դատապարտելի այդ արարքի համար:

«Մենք մեր արդթքով մոտ ենք զոհվածների ընտանիքներին: Անհրաժեշտ է նաեւ, որ հակամարտությունը արագ դադարեցվի իր սկզբնական փուլում՝ խուսափելու ավելի լուրջ հետեանքներից, որոնք կարող են ապակայունացնել իրավիճակը, ինչը փորձ է արվում դժվարությամբ պահպանելու այդպիսի խնդրահարույց տարածքում», - նշել է իտալացի սենատորը:

ԿՈՉ

ԱՐԻԲԵՋԱՆԻ ԴԵՄ ԿԻՐԱՌԵԼ ՊԱՏԺԱՄԻՋՈՑ

Մեծ Բրիտանիայի խորհրդարանում Մեծ Բրիտանիա-Հայասան բարեկամական խումբը դատարան է Հայասանի Հանրապետության ինքնիշխան արածքի նկատմամբ Ադրբեջանի ագրեսիան:

Բարեկամական խմբի բոլոր անդամների անունից Ադրբեջանի գործողությունները դատապարտող հայտարարություն է տարածել խմբի ղեկավար Թիմ Լոուրենը: «Վերջին 24 ժամվա ընթացքում Ադրբեջանը նոր՝ դաժան հարձակումներ է ձեռնարկել Հայաստանի ինքնիշխան տարածքի վրա, որը ձգվում է Սյունիքի, Գեղարքունիքի և Վայոց ձորի մարզերով: Ադրբեջանը հարվածներ է հասցնում ոչ միայն ռազմական օբյեկտներին, այլև քաղաքացիական համայնքներին և ենթակառուցվածքներին: Այդ հարձակումներն ուղղված էին ոչ թե Լեռնային Ղարաբաղի վիճելի շրջանին, այլ հենց Հայաստանի միջազգայնորեն ճանաչված սուվերեն սահմաններին և միանգամայն

անհիմն էին: ՀՀ պաշտպանության նախարարությունը հաստատել է, որ սեպտեմբերի 13-ին ՝ ժամը 00:05-ին, Ադրբեջանի զինված ուժերը ինտենսիվ կրակ են բացել հայկական դիրքերի ուղղությամբ՝ օգտագործելով նաեւ անօդաչու թռչող սարքեր:

Մեծ Բրիտանիայի խորհրդարանում Մեծ Բրիտանիա-Հայաստան բարեկամական խումբը դատապարտում է ադրբեջանական ռեժիմի բռնության այս վերջին գործողությունը և իր խորը մտահոգությունն է հայտնում զոհերի և նրանց ընտանիքների համար», - նշված է հայտարարության մեջ:

Մեծ Բրիտանիայի խորհրդարանում Մեծ Բրիտանիա-Հայաստան բարեկամական խումբը կարծում է, որ այս ագրեսիան հստակ հաշվարկված էր, քանի որ ամբողջ աշխարհի ուշադրությունը շեղվել է Ուկրաինայի իրադարձությունների, իսկ վերջերս՝ թագուհի Եղիսաբեթի մահվան կապակցությամբ համատարած սպի վրա: Նշում են, որ նման ագրեսիվ օպոր-

տունիզմը պետք է դատապարտվի ամենավճռական ձեով և ստանա վճռական պատասխան:

«Շատ իրատապ անհրաժեշտություն կա, որ միջազգային հանրությունը՝ ներառյալ Մեծ Բրիտանիան, դատապարտի Ադրբեջանին և պատասխանատվության կանչի նրան այդ վերջին ռազմական հանցագործությունների համար: Մենք խնդրում ենք Մեծ Բրիտանիայի կառավարությանը միանալ մյուս երկրներին՝ պահանջելով անհապաղ դադարեցնել Ադրբեջանի ագրեսիան և պատժամիջոցներ սահմանել այնքան ժամանակ, քանի դեռ այդ երկիրը շարունակում է իր չարդարացված գործողությունները: Մենք նաեւ խնդրում ենք Մեծ Բրիտանիայի կառավարությանն աջակցել Միավորված ազգերի կազմակերպությանն ուղղված խնդրանքին՝ այս հարցը ընկարկելու ԱՄ արտակարգ նիստում և աջակցելու ռազմական գործողությունների դադարեցմանը», - նշված է հայտարարության մեջ:

● Անցած 1 օրվա ընթացքում Հայաստանի Հանրապետությունում արձանագրվել է 13 ճՏՊ. 2 մարդ զոհվել է, 17-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

ՏԱՐԿԵՏՄԱՆ ՊԱՅՄԱՆՆԵՐ

ՀՀ ազգային ժողովը քննարկեց կառավարության ներկայացրած օրենքի նախագիծը, որով առաջարկվում է սահմանել, որ բուհերում սովորելու համար զինծառայությունից տարկետում ստացածները զորակոչի ենթակա կլինեն ոչ թե մինչև 27, այլ 28 տարեկանը: «Զինվորական ծառայության եւ զինծառայողի կարգավիճակի մասին» Հայաստանի Հանրապետության օրենքում լրացումներ կատարելու մասին օրենքի նախագիծը ներկայացրեց ՀՀ կրթության, գիտության, մշակույթի եւ սպորտի նախարար Վահրամ Դումանյանը:

«Առաջարկվում է նրանց համար, որոնք տարկետումը ստացել են սովորելու առնչությամբ, զորակոչի տարիք սահմանել 28 տարեկանը՝ 27-ի փոխարեն», -ասաց Դումանյանը:

Նրա խոսքով՝ տարկետման տրամադրման պայմանները, բուհերի ցանկը, մասնագիտությունների ցանկը կապահովվածությունը: Խոսքը բնագիտական, տեխնոլոգիական, ճարտարագիտական եւ մաթեմատիկական ուղղությունների մասին է:

ԶԵՆՔԻ ԵՐԱՆՍԱՌՈՒԹՅՈՒՆ

ՀՀ ազգային ժողովն առաջին ընթացքում ընդունեց զենքի շրջանառության կարգավորման նոր օրինագիծը: ԶՊ խմբակցության պատգամավորների ներկայացրած «Զենքի շրջանառության կարգավորման մասին» եւ կից ներկայացված օրենքների նախագծերի փաթեթը քվեարկությամբ ստացավ 67 կողմ ձայն:

«Նախագծով ակնկալվում է ՀՀ-ում կարգավորել զենքի եւ ռազմամթերքի շրջանառությունը, նպաստել որսորդության, սիրողական եւ սպորտային հրաձգության, ինչպես նաեւ ռազմամարզության զարգացմանը. ներդնել զենքի հետ վարվելու մշակույթ, որն ուղղված կլինի քաղաքացիների ինքնապաշտպանության եւ մարտունակության բարձրացմանը», -ասաց համահեղինակ Վիլեն Գաբրիելյանը:

Նոր օրենքով նաեւ առաջարկվում է 18-ի փոխարեն ակոսափող զենք կրելու իրավունք տալ 21 տարին լրացած անձանց: Օրենքը սահմանում է, որ քննությունը բարեհաջող հանձնելուց հետո քաղաքացին զենք ձեռք բերելու եւ պահելու թույլտվությունը ստանում է 10 տարի ժամկետով: 10 տարվա ընթացքում քաղաքացին կարող է այդ վկայականով նոր զենքեր ձեռք բերել, սակայն ամեն նոր զենք ձեռք բերելու համար նա պարտավոր կլինի անցնել բուժզննման բոլոր անհրաժեշտ փուլերը:

Նախագիծը նախատեսում է քաղաքացիական զենք ձեռք բերելու կանոնների խստացում այն անձանց համար, որոնք առաջին անգամ են նման հայտ ներկայացնում, միեւնույն ժամանակ այն ավելի շատ ու ավելի լավ զենքեր ձեռք բերելու հնարավորություն է բացելու զենքի սիրահարների համար, որոնք անցած տարիների ընթացքում անցել են զենք ձեռք բերելու թույլտվություն ստանալու անհրաժեշտ փուլերը եւ հավաքածուում ունեն որոշակի բանակի զենքեր:

ՀՐԴԵՐ

ՀԱՐՎԱԾ՝ ԽԱՂԱՂ ԲՆԱԿԱՎԱՅՐԵՐԻՆ

Վայոց Ձորի Ջերմուկ քաղաքի հարակից սարերի ուղղությամբ աղբեղանական զինված ուժերը դարբերաբար հրետանի են կիրառում, իսկ հազվադեպ կրակում նաեւ հրազենից: Պայթյունների ձայները լսվում են 15-20 րոպեի մեջ:

Պարբերաբար հրանոթային համազարկերի ծայրեր են լսվում, քաղաքին հարող որոշ բլուրների վրա էլ ծխացող օջախներ կան՝ այրվել է անտառի մի հատվածը: Քաղաքացիները հայտնել են, որ դրանք աղբեղանական կողմի հարվածների հետքերն են: Ջերմուկի հարակից սարերի վերելում նաեւ անօդաչու թռչող սարք է կիրառվել:

Առողջարանային քաղաքում երեկ առավոտից սկսվել են ուժեղ համազարկերը դիրքերի ուղղությամբ, իսկ անմիջապես Ջերմուկի ուղղությամբ հրետանին չի հարվածել: Ջերմուկում առողջարանային քաղաքին ոչ բնորոշ վիճակ է՝ հանգստացողներ չկան, կանայք ու երեխաները տարհանվել են:

Քաղաքացիներ Վահագն Արսենյանը, Նրա տեղակալները, ոստիկանապետը զինվել են, կազմել ինքնապաշտպանական ջոկատներ:


Վայք-Սիսիան մայրուղուց դեպի Ջերմուկ գնացող հատվածը հսկում են զինծառայողներն ու ոստիկանները: Քաղաք մուտք գործել թույլ են տալիս միայն ծայրահեղ անհրաժեշտության դեպքում:

Հայ-աղբեղանական սահմանին ժամը 18:00-ի դրությամբ իրադրությունը շարունակում է լարված մնալ: Ժամը 15:00-ից 17:00-ն ընկած հատվածում Սոթքից մինչեւ Գորիս ամբողջ սահմանագծով, թշնամին շարունակել է ինտենսիվ հրթիռահրետանային հարվածները, որոնց ընթացքում թիրախավորվել են նաեւ խաղող բնակավայրերը:

Այս մասին հայտարարեց պաշտպանության նախարարության մամուլի խոսնակ Արամ Թորոսյանը:

Նա նշեց, որ լայնորեն կիրառվել են հարվածային անօդաչու թռչող սարքեր:

«16:40-ի սահմաններում հրթիռահրետանային հարվածներ են հասցվել Սոթքի ուղղությամբ տեղակայված գործարանին, ինչի հետեւանքով հրդեհ է բռնկվել: Այս պահին հրդեհը մարվել է: Ժամը 17:00-ից նշված ուղղությամբ թշնամու հրթիռահրետանային հարվածների ինտենսիվությունը թուլացել է», -ասաց նա՝ հավելելով,



որ ՀՀ ՋՌ-ն ձեռնարկում է բոլոր անհրաժեշտ միջոցները թշնամու համարժեք պատասխանելու համար:

Արամ Թորոսյանը հիշեցրեց, որ հայկական կողմի զոհերի՝ այս պահին հաստատված թիվը 105-ն է: Լուրը հրապարակվել է երեկ Ազգային ժողովի ամբիոնից՝ վարչապետի կողմից, իսկ վիրավորների վերա-

բերյալ տեղեկություններ ստանալու համար գործում է պաշտպանության նախարարության թեժ գծի 1-28 հեռախոսահամարը:

Պաշտպանության նախարարությունը կշարունակի պարբերաբար հանդես գալ իրադրության վերաբերյալ պաշտոնական հաղորդագրություններով:

ԼՈՒՐԵՐ

ՀՈՍՊԻՏԱԼՆԵՐԻ ՄՊԱՀՈՎՎԱԾ ԵՆ

Աղբեղանական ռազմական ագրեսիայի ֆոնին՝ հաճախակի են դարձել դեպքերը, երբ բազմաթիվ քաղաքացիներ եւ մասնավոր ընկերություններ, փորձելով օգտակար լինել մարտական գործողությունների ընթացքում վիրավորում ստացած զինծառայողներին, սեփական նախաձեռնությամբ տարբեր դեղամիջոցներ եւ սնունդ են ձեռք բերում այն զինվորական հոսպիտալներին փոխանցելու նպատակով:

Պաշտպանության նախարարությունը բարձր է գնահատում մեր համաքաղաքացիների պատրաստակամությունը՝ հնարավորության սահմաններում օգտակար լինել բանակին:

«Այդուհանդերձ, վստահեցնում ենք, որ բոլոր հոսպիտալներն ապահովված են

զինծառայողների բուժումը պատշաճ կերպով կազմակերպելու համար:

Միեւնույն ժամանակ, քաղաքացիների՝ հոսպիտալներին օգնություն փոխանցելու գործընթացը լրացուցիչ ծանրաբեռնվածություն է առաջացնում բուժաստատության անձնակազմի համար, ինչն այս պահին անցանակալի է», - այս մասին հայտնում են ՀՀ ՊՆ-ից:

ՀԱՆՑԱՎՈՐ ՌԵԺԻՄ

Եվրախորհրդարանի շատ պատգամավորներ կոչ են արել Եվրահանձնաժողովի նախագահ Ուրսուլա ֆոն Լայթենին գազ չզնել Հայաստանի ինքնիշխան տարածքը գրոհող Աղբեղանից եւ միջոցներ ձեռնարկել ռազմական գործողությունները դադարեցնելու համար:

«Մենք չենք կարող թույլ տալ Գերմանիային չփակել ատոմակայանները, բայց միեւնույն ժամանակ՝ գազ ներկրել Աղբեղանից եւ կախված լինել մեկ այլ հանցավոր ռեժիմից: Հուսով եմ, որ մենք բոլորս դեմ կլինենք Աղբեղանի նախագահ Իլհամ Ալիևի ագրեսիային Հայաստանի դեմ», -ասել է ֆրանսիացի պատգամավոր Ֆրանսուա-Քսավյե Բելամին: «Հայաստանի բարեկամ ժողովրդին գազային շահերի անունից գերծ մնալը, ինչպես անում է ԵՄ-ն, դավաճանություն է», -շեշտել է ֆրանսիացի մեկ այլ պատգամավոր Ջորան Բարդելլան:

Բուլղարիայից պատգամավոր Անդրեյ Կովաչովսկի իր հերթին է՜Հ նախագահին կոչ է արել անել հնարավոր՝ մարդկանց սպանությունը դադարեցնելու համար: «Եվրամիությունը պետք է միջնորդի դեր ստանձնի Հայաստանի եւ Աղբեղանի միջև», -ասել է նա:

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ԿԱՐԾԻՔ

ԼԱՐՎԱԾ ԻՐԱՎԿԻՃԱԿ

ՀԱՅ ՀԱՅՏՆԻՆԵՐԸ՝ ՄԱՐՄԱՆԱՅԻՆ ԳՐՈՒԹՅԱՆ ՄԱՍԻՆ

Ինչդեռ գիտենք սեղանների 12-ից՝ կեսգիշերից, Ադրբեջանը հարձակում է սկսել Հայաստանի Հանրապետության վրա: Մահմանային լարված իրավիճակի մասին իրենց մտածողություններով են կիսվել նաև հայ հայտնիները:

ArmLur.am-ը, այսպիսով, ներկայացնում է նրանցից մի քանիսին:

Հաղորդավարուհի, դերասանուհի Նազենի Հովհաննիսյանը, անդրադառնալով սահմանային իրավիճակի մասին, իր միկրոբլոգում գրել է.

«2 տարում լավ կազմակերպված վերջնական կոտորեցին մեզ՝ ոգով, հոգով, զենքի բացակայությամբ, գոյություն չունեցող «խաղաղության» քարոզով ու արժանապատվությունն իսպառ տրորելով: Թշնամին ռեանձիզմի իրավունք ունի, իսկ հայը՝ իր ԵՐԿԻՐԸ պաշտպանելու իրավունք՝ չունի:

Արծրունը չի գրել, որ հաղթում ենք... դեռ կոչ չեն արել՝ տանն ու վեր կասկա ունի վերցնի գնա...

Հիմա հիմնադրամ կ'ա, ներսի ու դրսի հայերը էլ ո'նց հավատան...

Էն գինվորների մայրերը ի'նչ լինեն...

Էս ոնց քանդեցիք ախր, Աստծո անեծքը ձեզ վրա ու ձեր սերնդների:

Երիցս»:

Դերասանուհի Տաթև Հովակիմյան. «Ադրբեջանը հարձակվել է Հայաստանի վրա, եւ Հայաստանում պատերազմ է... Իմ էջերում բացի պաշտոնական տեղեկություններից չեք տեսնելու այլ գրառում... Մուսի-պուսի, հաղթելու ենք ու նմանօրինակ գրառումներ, նկարներ՝ տղերքի, ում հերոսացում ենք, քարտեզներ, ոչ մի բան... Ու նույնը խորհուրդ կտամ ձեզ կամ անգամ կխնդրեմ ձեզ... Հաղթում է գուսպը, ու հաճախ նա, ով լքում է... 2020-ին աղմուկը կարելու բաներ էր կոծկում ու լղղում...»:



Աղաս Մանուկյան. «Զոհվել չկա տղերք...»:

Դերասան Լեվա Դավթյան. «Մանիպուլացրեց, բժժացրեց, հանգստացրեց ժեխին, իրար գովացին, համոզեց որ մեռնելը լավա հայրենիքի համար, բայց սգալը սխալ, ու իրան խանգարող չկար...»:

Երգչուհի Սիրուշոն այս օրերին Նյու Յորքում է. մասնակցում է Նորաձեռության շաբաթին:

Երգչուհին հնարագրամյան իր էջի «Սթորի» բաժնում անդրադարձել է իրավիճակին՝ հայտնելով վերադարձի մասին:

«Հայաստանում սկսվել է պատերազմ, եւ ես վերադառնում եմ Երեւան: Խնդրում եմ աղոթեք հայրենիքիս համար», - գրել է երգչուհին:

Նշենք, որ սեպտեմբերի 14-ին ՀՀ պաշտպանության նախարարությունից հայտնում են, որ ժամը 08:00-ից սկսած հակառակորդը, կիրառելով հրետանային միջոցներ, ակասնետներով եւ խոշոր տրամաչափի զինատեսակներով կրկին սկսել է նախահարձակ գործողություններ, մասնավորապես՝ Զերմուկի եւ Վերին Շորժայի ուղղություններով:

ԼԻՊԱ ԵՐԿԱԶԱՐՅԱՆ

ԼՈՒՐԵՐ

ՀԵՏԱԶԳԵԼ ԵՆ ՀԱՄԵՐԳԸ

Հայաստանում պատերազմական լարված դրության պատճառով՝ երգիչներ Գոռ Հակոբյանը եւ Գեորգ Մարտիրոսյանը անորոշ ժամանակով հետաձգել են համատեղ համերգը: Այս մասին հայտնում է երգիչ Գոռ Հակոբյանը:

«Ելնելով երկրում աստեղծված իրավիճակից սեպտեմբերի 30-ին կայանալիք իմ եւ Գեորգ Մարտիրոսյանի համերգը հետաձգվում է անորոշ ժամանակով», - նշել է երգիչը:

Ավելի վաղ ArmLur.am-ը գրել էր, որ երգիչների համատեղ համերգային ծրագրի խորագիրը «Ինսպիր» է, այն պետք է կայանար սեպտեմբերի 30-ին:

Հիշեցնենք, որ սեպտեմբերի 12-ին լույս 13-ի գիշերը Ադրբեջանը լայնածավալ հարձակում է սկսել Հայաստանի Հանրապետության սահմանային ողջ երկայնքով:

ԳՅՈՒՂՈՒՄ ԵՆ

«Սյունիքի մարզի սահմանային Ներքին Հանդում այս պահին ամեն ինչ Նորմալ է, կրակոցներ գրեթե չկան»: Երեկ այս մասին ArmLur.am-ի հետ զրույցում ասաց Ներքին Հանդի վարչական ղեկավար Խաչատուր Բաղդասարյանը:

«Ամեն ինչ Նորմալ է, մի սուտկա կլինի չեն կրակել, հանգիստ է: Բնակիչները գյուղում են՝ մարտական տրամադրված», - նշեց նա:

Հիշեցնենք, որ սեպտեմբերի 13-ին՝ ժամը 00:05-ից, Ադրբեջանի ՋՈՒ ստորաբաժանումները Վարդենիսի, Սոթքի, Արտանիշի, Իշխանասարի, Գորիսի եւ Կապանի ուղղություններով հրետանային միջոցներից, խոշոր տրամաչափի հրաձգային զինատեսակներից սկսել են ինտենսիվ կրակ վարել հայկական դիրքերի ուղղությամբ:

Նյութերը՝ Լ. ԵՐԿԱԶԱՐՅԱՆԻ

«ԹԱՆԳԱՐԱՆՆԵՐԻ ՈՒԺԸ»

4 ՄԻՋԱԶԳԱՅԻՆ ԿՈՄԻՏԵՆԵՐ

Չեխիայի մայրաքաղաք Պրահայում օգոստոսի 20-28-ը «Թանգարանների ուժը» խորագրի ներքո անցկացվել է Թանգարանների միջազգային խորհրդի (ԻԿՕՄ) 26-րդ վեհաժողովը, որին մասնակցել է նաև Հայաստանի դասվիրակությունը:

Կրթության, գիտության, մշակույթի եւ սպորտի նախարարության տարածած հաղորդագրությունից տեղեկացանք, որ գերատեսչության փոխնախարար Ալֆրեդ Քոչարյանը սեպտեմբերի 9-ին ընդունել է Հայաստանի պատվիրակության անդամներին՝ քննարկելու վեհաժողովի արդյունքները եւ ձեռք բերված համագործակցության հեռանկարները: Փոխնախարարը ողջունել է պատվիրակության անդամներին՝ կարելու լավ նմանօրինակ միջազգային հարթակին Հայաստանի մասնակցությունը:

Հայաստանի պատվիրակության կազմում ընդգրկված էին ՀՀ ԿԳՄՍ նախարարության եւ Երեւանի քաղաքապետարանի ենթակայությամբ գործող թանգարանների 18 ներկայացուցիչներ (Հայաստանի պատմության թանգարան, Հայաստանի ազգային պատկերասրահ, Եղիշե Զարենցի անվան գրականության եւ արվեստի

թանգարան, Կոմիտասի թանգարան-ինստիտուտ, Ռուսական արվեստի թանգարան, Արամ Խաչատրյանի տուն-թանգարան, Մատենադարան, Երեւանի պատմության թանգարան, Ժամանակակից արվեստի թանգարան):

Պատվիրակության անդամների տեղեկացմամբ՝ քննարկվել են առկա 4 միջազգային կոմիտեների տարեկան վեհաժողովները Հայաստանում հյուրընկալելու հեռանկարները: Դրանք են՝ գրական եւ կոմպոզիտորների թանգարանների, ցուցադրությունների փոխանակման, երաժշտական գործիքների եւ երաժշտական թանգարանների, ինչպես նաև անձնակազմի վերապատրաստման միջազգային կոմիտեները:

Վեհաժողովի հայաստանյան ներկայացուցիչները տեղեկացրել են, որ ԻԿՕՄ-ի վտանգների կառավարման եւ ռազմական թանգարանների միջազգային կոմիտեների կազմակերպած համատեղ նիստին ԻԿՕՄ Ադրբեջանի նախագահը ներկայացրել է հակահայ զեկույց, ինչին ի պատասխան՝ ԻԿՕՄ Հայաստանի նախագահ Հայկ Մկրտչյանը կազմակերպի կոմիտեներին հանձնել է Հայաստանի պատվիրակների պատրաստած եւ ՀՀ արտաքին գործերի նախարարության հետ համա-

ձայնեցրած բողոք-նամակը՝ ընդգծելով, որ պրոֆեսիոնալ հարթակը չպետք է վերածվի քաղաքականի: Ներկայացվել է նաև Արցախում ադրբեջանական զինված ուժերի կողմից իրականացված պատերազմական հանցագործությունների՝ մշակութային ժառանգության ոչնչացման վերաբերյալ զեկույցը:

ԻԿՕՄ-ի վեհաժողովներն անցկացվում են յուրաքանչյուր երեք տարին մեկ եւ համարվում են թանգարանային ոլորտի ամենակարեւոր մասնագիտական իրադարձությունները: Գլխավոր համաժողովները փորձի փոխանակման, ոլորտի նորարար գաղափարներն ու հեռանկարները քննարկելու, ինչպես նաև նոր կապերի հաստատման համար եզակի հնարավորություն են: Վեհաժողովին մասնակցել են 115 երկրների թանգարանային ոլորտի շուրջ 3000 ներկայացուցիչներ:

Այս առումով վեհաժողովի հայաստանյան ներկայացուցիչներն այցը գնահատել են դրական. ձեռք են բերվել մի շարք պայմանավորվածություններ:

Վեհաժողովի ընթացքում ԻԿՕՄ-ի կողմից հաստատվել է «թանգարան» եզրույթի նոր սահմանումը, որի օգտին քվեարկել են նաև հայ պատվիրակները:

● Սեպտեմբերի 17-ին «Մեցցո» ակումբում տեղի կունենա Նորաձեռության շոու՝ «Ժամանակը եւ մարդը...»: Տոմսերի արժեքը՝ 5000-15000 դրամ: Սկիզբը՝ 21:00:



ՍՈՑԻԱԼԱԿԱՆ

ՀԱՐՑ. Ինչպե՞ս է կասարվում ֆրեական վարույթների միացումը եւ անջատումը: Հայկուհի Մինասյան (36 տարեկան)



ՊԱՏԱՍԽԱՆ. Մեկ վարույթում կարող են միացվել՝

- 1) նույն անձի կողմից մեկից ավելի ենթադրյալ հանցանքներ կատարելու վերաբերյալ վարույթները
- 2) մեկից ավելի անձանց կողմից նույն կամ մեկից ավելի ենթադրյալ հանցանքներ կատարելու վերաբերյալ վարույթները
- 3) միմյանց հետ փաստական հանգամանքներով կապված մեկից ավելի ենթադրյալ հանցանքների վերաբերյալ վարույթները՝ պատշաճ եւ համակողմանի քննություն ապահովելու նպատակով:

Մեկից ավելի անձանց կողմից մեկ կամ ավելի ենթադրյալ հանցանքներ կատարելու կապակցությամբ իրականացվող վարույթից կարող է անջատվել նոր վարույթ, եթե դա թելադրված է արդարադատության շահի պաշտպանության անհրաժեշտությամբ եւ չի կարող բացասաբար անդրադառնալ վարույթի արդարացիության վրա:

ՀՀ քննչական կոմիտե

«ԺՈՂՈՎՈՐԳ».

Քրեական վարույթները միացնելու կամ անջատելու մասին քննիչը կամ դատարանը կայացնում է որոշում, որում նշվում են քրեական վարույթ նախաձեռնելու առիթը, ենթադրյալ հանցանքի փաստական հանգամանքները, հայտնի լինելու դեպքում՝ քրեորեն հետապնդելի արարքը կատարելու մեջ մեղադրվող անձի (անձանց) տվյալները, միացված կամ անջատված վարույթն ստանձնող մարմնի կամ պաշտոնատար անձի վերաբերյալ տեղեկությունները, ինչպես նաեւ անջատված վարույթին տրվող համարը:

ԿՎՐԳ

ՀԱՐՑ. Ո՞րն է համարվում մաքսային կանոնների խախտում: Լավրենտ Թադեոսյան (41 տարեկան)



ՊԱՏԱՍԽԱՆ. Մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ եւ մաքսային ոլորտին առնչվող Հայաստանի Հանրապետության միջազգային պայմանագրերով՝ Հայաստանի Հանրապետության մաքսային սահմանով տեղափոխվող ապրանքների եւ տրանսպորտային միջոցների մաքսային հսկողության եւ մաքսային ձեւակերպման սահմանված կարգի դեմ, եւ, որի համար սույն օրենսգրքով նախատեսված է պատասխանատվություն:

ՀՀ պետական եկամուտների կոմիտե

«ԺՈՂՈՎՈՐԳ».

Ֆիզիկական եւ պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ԼՈՒՐ ԿՎՐԴ

Լուսանկարն արվել է Ջերմուկ քաղաքում



Հայաստանի Վայոց ձորի մարզի Ջերմուկ քաղաքում ադրբեջանական զինուժը կրակել է քաղաքացիական մեքենայի վրա: Մեքենայի վարորդը հոսպիտալացվել է:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել

«Հայմամուլ» ՓԲԸ հեռ. 45-82-00, 45-19-11

«Հայկիստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ \_\_\_\_\_  
 Ազգանուն՝ \_\_\_\_\_  
 Առաքման հասցե՝ \_\_\_\_\_  
 Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.  
«Շարունակությունը կարող էք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22՝/3, հեռ՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 14.09.2022

Գլխավոր խմբագիր՝ ԶԵՆՈՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: